

D E S C R I P T I O
T E R R Æ F I R M Æ,
Novi regni
G R A N A T E N S I S,
E T
P O P A Y A N.



Terra fir-
ma.

Longitudo.

Latitudo.

Indoles soli.

Panama.

Nombre de
Dios.

A Americæ Australis pars, quæ primum *Castella del Oro*, hoc est *Castella aurea* dicta fuit, & postmodum *Terra Firma* nomen accepit, angustis valde limitibus coercetur. Sedes hic est ipsius Curia, sive Audi-

entia, uti Hispani vocant, idque ad expediendas classes & merces quaslibet, quæ in Peru commeant & remeant. Longitudo ejus ab Ortu in occasum leucarum pene est 90 à confiniis Præfecturæ Carthagænæ, & Popayan, ad usque *Castillo de Veragua*. Latitudo verò à mari Pacifico ad mare usque Septentrionale versus occasum leucarum est 60. At inter *Nombre de Dios* & *Panamam* 18. Regio omnis montibus & rupibus præruptis aspera est, paludosa quoque, temperie calida & humida, quæ multorum morborum à Majo ad Novembrem usque grassantium secunda est parens. Solum sterile est, & cum parcius mayzum ferat, multarum rerum inopia laborat, pascua tamen vaccis pecoribusque latissima præbet. Sub hujus Curia districtu *Veragua* continetur, & ad hanc, uti & ad præfecturam Panamæ sequentes referuntur urbes: *Panama*, in ipsa ora maris Pacifici sita, cives habet 600, magna ex parte mercatores. Resident hic præter Curiam ipsam, redituum regionum officiales, ipsi thesauri regii, qui mox ab adventantibus classibus recipiuntur & aliò transportantur. Cathedralem habet Ecclesiam, sed suffraganeam Archiepiscopatus *de los Reyes*, cœnobìa tria, Dominicanorum, Franciscanorum, & Mercenariorum. Vrbs *Nombre de Dios*, condita demum est anno 1510. Portum ejus deprehendit primus Admiralus, posteaque in *Porto Belo* translatus est, quod nomen illi inditum, propterea quod salubrior & onerandis exonerandisque classibus aptior esset futurus, magisque navium stationi idoneus. Duplici via merces è *Porto Belo* in *Panamam* devehuntur, una terrestri, 18 leuc. intervallo: altera maritima & per fluvium *de Chagre*, cujus ostium à *Porto Belo* abest leucis 18 Occasum versus. Ab ea parte, ubi

America.

fluvius desinit, curribus porro *Panamam* itur.

Vrbs *Nata* 30 à *Panama* leucis versus occasum recedit ad oram quoque maris Pacifici.

Provincia *Veragua* altit. grad. 10, *Costaricæ* ad Occidentem contermina est, longit. ab ortu in occasum leuc. 50, latitud. 25. Regio omnis montosa est, vastissimis cincta nemoribus & vepretis. Verum hortis, pecore, tritico & hordeo carens. parum habet mayzi & herbarum hortensium. Mineris auri passim perfusa est. Auri fodinas habet in fluviiis & montium fissuris prædivites, necnon Indos armis & bellis exercitatos. est in ea urbs *Conceptionis* Occidentem versus, in qua sedem habent gubernator & officiales; qui hodie à Curia Panamensi designantur. Etiam *Trinitatis*, quæ tribus à mari leucis recedit. Ad eam non nisi mari pervenitur, terra iter negante. *Santa Fe*, hoc est, Sanctæ fidei oppidum, domos habet fusorias, & officialium procuratores. Vrbs *Carlos* ad oram maris Australis jacet. Quotquot huic præfecturæ subsunt Indi, cum Hispanis bellum gerunt. Nullum insignem habet portum tum Septentrionalis, tum Meridionalis hujus præfecturæ ora. Fluvios, portus & promontoria hæc habet; Sinum *de Crabaco*, sive *S. Hieronymi*, fluvium *de la Trinidad* & *de la Concepcion*, item fluvium *Belen*: insulam *de Escudo*, fluvium *de Chagre*, *de Portere*: ad quem usque in hujus oræ detectione pervenerat Columbus: portum *Languostas*, *de Gallinas*, *Buenaventura*, *Belo*: insulas *de las Miras*, & *de Bastimentos*: fluvium *Sardinilla* versus Orientem, *Sardina*, *de Mayz*, *de Culebras*, *de Francisco*: sinum *de Vraba*: in cujus intimis est portus *de Nilcos*, prope ostium fluminis *Darien*. Ad oram meridionalem promontorium spectatur *S. Maria*, culpis *de Guiera*: sinus *de Parita*: fluvius *Coquira* & alius *de la Blasa* sive *Cogos*: in intimis ac profundissimis sinus partibus, Sinus *de S. Migue*, culpis & portus *de Pimas*, denique portus *Quemado* propè promontorium *de Corientes*, altitud. grad. 10.

Territorium Novi regni Granatensis ab Oriente in Occidentem 300 leucis protenditur, & totidem à meridie in Septentrionem, quibus includuntur Provinciae Novæ Granadæ, præfecturæ insuper *S. Marthæ* & *Carthagænæ*, necnon pars regionis Popayan. Regio est plana, maximamque ejus partem vallis & montes

M

con-

Nata.

Veragua.

La Concepcion.

Trinidad.

S. Fe.

Carlos.

Fluvii & promontoria, ac portus.

Novum regnum Granatense.